



酉陽雜俎

續集
卷之十
終

15
1296
5



15
1296
5

唐長少卿西陽雜俎續集卷之五

唐 太常少卿臨淄柯古受成式撰

明 四川道監察御史內鄉李雲鶴校

寺塔記上

武宗癸亥三年夏予與張君希復善繼同官秘丘一作秘書

鄭君符夢復連職仙署會暇日遊大興善寺因問兩京
新記及遊日記多所遺畧乃約一旬尋兩街寺以街東
興善為首二記所不具則別錄之遊及慈恩初知官將
併寺僧眾草草乃泛問一二上人及記塔下畫跡遊於
此遂絕後三年予職于京洛及刺安成至大中七年歸

昭和九年
十月十一日
昭末

京在外六甲子所留書籍捕壞居半於故簡中觀與二
亡友遊寺瀝血淚交當時造適樂事邈不可追復方刊
整纜足續穿蠢然十亡五六矣次成兩卷傳諸釋子東
牟人段成式字柯古

靖恭坊大興善寺寺取大興兩寺

一作字

坊名一字爲名

新記云優填像摠章初爲火所燒據梁時西域優填在
荊州言隋自臺城移來此寺非也今又有旃檀像開目
其工頗拙猶差謬矣

不空三藏塔前多老松歲旱則官伐其枝爲龍骨以祈
雨蓋三藏役龍意其樹必有靈也

行香院堂後壁上元和中畫人梁洽畫雙松稍脫俗格
曼殊堂工塑極精妙外壁有泥金幘不空自西域賁來
者

髮塔內有隋朝舍利塔下有記云爰在宮中興居之所
舍利感應前後非一時仁壽元年十二月八日

旃檀像堂中有時非時經界朱寫之盛以漆龕僧云隋
朝舊物

寺後先有曲池不空臨終時忽然涸竭至惟寬禪師止
住因潦通泉白蓮藻自生今復成陸矣

東廊之南素和尚院庭有青桐四株素之手植元和中

西經五
卿相多遊此院桐至夏有汗汚人衣如輶脂不可浣昭
國東門鄭相嘗與丞郎數人避暑惡其汗謂素曰弟子
爲和尚伐此樹各植一松也及暮素戲祝樹曰我種汝
二十餘年汝以汗爲人所惡來歲若復有汗我必薪之
自是無汗寶歷末予見說已十五餘年無汗矣素公不
出院轉法華經三萬七千部夜嘗有貉子聽經齋時鳥
鵲就掌取食長慶初庭前牡丹一朵合歡有僧玄幽題
此院詩警句曰三萬蓮經三十春半生不踏院門塵今
有梵僧憍陳如難陀以粉畫壇性狷急我慢未甚通中
華經

左顧蛤像舊傳云隋帝嗜蛤所食必兼蛤味數逾數千
萬矣忽有一蛤推擊如舊帝異之寘諸几上一夜有光
及明肉自脫中有一佛二菩薩像帝悲悔誓不食蛤非
陳宣帝 于闐玉像高一尺七寸闊寸餘一佛四菩薩
一飛仙一段玉成截肪無玷賦彩若滴

天王閣長慶中造本在春明門內與南內連墻其形大
爲天下之最太和二年勅移就此寺折時腹中得布五
百端漆數十笥今部落鬼神形像墮壞唯天王不損

辭二十字連絕句 乘晴入精舍語默想東林盡是忘
機侶誰驚鷺影禽善繼有松堪繫馬遇鉢更投針記得

湯師句高禪朗一作朗吟柯古一雨微塵盡支郎許數

過方同嗅蒼荀不用筭多羅夢復

蛤像連二十字絕句雖因雀變化不逐月虧盈縱有

天中匠神工詎可成柯古相好全如梵端倪為隋寧

同蚌頰惡但與鷓相特善繼

聖柱連句上有鐵索跡 天心助興善聖跡此開陽柯

古載想雷輪重絕疑電索長善繼上衝扶蟠螭不動束

銀鐺柯古饑鳥未曾啄乖龍寧敢藏善繼

語各徵象事湏切不得引俗書 一質之數元鈞不可

馬上唯貌可伏非馳所堪柯古坑中無底跡中無勝上文

人與馬同渡負猴而行善繼色青力劣名香幾重夢復

尾既出牖身可取興約上人六牙生花七支柱地柯古形

如珂雪力絕羈瑣善繼園開脅上河出鼻中柯古一醉

難調六對曾勝日高人

長樂坊安國寺 紅樓 睿宗在藩時舞榭

東禪院亦曰木塔院院門北西廊五壁吳道玄弟子釋

思道畫釋梵八部不施彩色尚有典刑禪師法空影堂

世號吉州空者父養一騾將終鳴走而死有弟子允一作

元嵩患風常於空室埋一柱鑱之僧難輒愈

佛殿 開元初玄宗折寢室施之當陽彌勒像法空自

光明寺移來未建都時此像在村蘭若中往往放光因號光明寺寺在懷遠坊後為延火所燒唯像獨存法空初移像時索大如虎口數十牛曳之索斷不動法空執爐依法作禮九拜涕泣發誓像身忽曝曝有聲迸分竟地為數十段不終日移至寺焉

利涉塑堂元和中取其處為聖容院遷像廡下上忽夢一僧形容奇偉訴曰暴露數日豈聖君意耶及明駕幸驗問如夢即令移就堂中側施帷帳安之

光明寺中鬼子母及文惠太子塑像舉止態度如生工名李岫

山庭院古木崇阜幽若山谷當時輦土營之

上座璘公院有穗柏一株衢柯偃覆下坐十餘人

辭紅樓連句隱侯體 重疊碎晴空餘霞更照紅蟾蹤

近鳩鵲鳥道接相風一作善苔靜金輪路雲輕白日宮

元和中帝幸此處壁詩傳謝客詞人陳至題此院詩云藻井尚寒龍跡在紅樓初散日光通

門榜占休公廣宣上人住此院有詩名號為紅樓集柯古

穗栢連句 一院暑難侵莓苔可影深標枝爭息鳥餘

吹正開衿柯古宿雨香添色殘陽石在陰乘閑動詩思

助靜入禪心善繼

題璘公院一言至七言 每人占兩題靜虛熱際安居夢復龕燈斂

印香餘東林賓客西澗圖書簷外垂青豆經中發白藁

縱辯宗因袞袞忘言理事一作如如竟泉臺定將入

流否隣笛足疑青梵餘柯古新續

語徵釋門中僻事傾麋字 莎燈 華綿 象薦昇

人集髮地効殿林柯古夜續不竟

常樂坊趙景公寺隋開皇三年置本曰弘善寺十八年

改焉南中三門裏東壁上吳道玄白畫地獄變筆力勁

怒變狀陰怪觀之不覺毛戴吳畫中得意處

三階院西廊下范長壽畫西方變及十六對事實池池尤

妙絕諦視之覺水入深壁院門上白畫樹石頗似關立

德予携立德行天詞粉本驗之無異○詞一作何

西中三門裏門南吳生畫龍及刷天王鬚筆蹟如鐵有

執爨女竊眸欲語

華嚴院中鑰石盧舍立像高六尺古樣精巧

塔下有舍利三斗四升移塔之時僧守行建道場出舍

利俾士庶觀之喟讚未畢滿地現舍利士女不敢踐之

悉出寺外守公乃造小泥塔及木塔近十萬枚葬之今

尚有數萬存焉

寺有小銀象六百餘軀金佛一軀長數尺大銀象高六

尺餘古樣精巧又有箴七寶字多心經小屏風盛以寶

函上有雜色珠及白珠駢覓亂目祿山亂宮人藏於此
寺屏風十五牒三十行經後云發心主司馬恒存願成
主上柱國索伏寶息上柱國真德為法界衆生造黃金
牒經善繼疑外國物

辭吳畫過句 慘淡十堵內吳生縱狂跡風雲將逼人

鬼神如脫壁 柯古 其中龍最恠張甲方汗栗黑夜窻窳

時安知不霹靂 善繼 此際忽仙子獵獵衣鳥奕妙瞬乍

疑生參差奪人魄 夢復 往往乘猛虎衝梁聳竒石 一作

蒼峭束高泉角膝警歌側 柯古 冥獄不可視毛戴腋流

液苟能水成剎那更沉火宅 善繼

語各錄禪師佳語 蘭若和尚云家家門有長安道 柯古

荆州些些和尚云自看工夫多少 善繼 無名和尚云最

後一大息須分明 夢復

題約公院四言 印火熒熒燈續焰青 善繼 七俱那呪

四阿舍經 柯古 各錄佳語聊事素屏 夢復 丈室安居延

賓不高 昇上人

大同坊雲花寺 大曆初僧儼講經天雨花至地咫尺

而滅夜有光燭室勅改為雲華儼即康藏之師也康本

住靖恭里氈曲忽觀光如輪衆人皆見遂尋光至儼講

經所滅 佛殿西廊立高僧一十六身天寶初自南內

西續五
移來畫蹟拙俗

觀音堂在寺西北隅建中末百姓屈儼患瘡且死夢一菩薩摩其瘡曰我住雲花寺儼驚覺汗流數日而愈因詣寺尋檢至聖畫堂見之菩薩一如其觀傾城百姓瞻禮儼遂立社建堂移之

聖畫堂中構大坊為壁設色煥縟本邵武宗畫不知何以稱聖據西域記菩提樹東有精舍昔婆羅門兄弟欲圖如來初成佛像曠歲無人應召忽有一人自言善畫如來妙相但要香泥及一燈照室可閉戶六月終怪之餘四日未滿遂開戶已無人矣唯右膊上工未畢蓋好

事僧移此說也堂中有于闐鍮石立像甚古

遊日記所說刺柏太和中伐為殿材

辭偶連句 共入夕陽寺因窺甘露門昇上清香惹苔

辭總 一作草雜蘭蕊 夢復捷偈飛箱荅新詩倚杖論古柯

壞幡標古刹聖像煥崇垣善繼豈慕穿籠鳥難防在牖

猿柯古一音唯一性三語更三幡善繼

道政坊寶應寺 韓幹藍田人少時常為畫酒家逐酒

王右丞兄弟未遇每一貫酒漫遊幹常微債於王家盛畫地為人馬右丞精思丹青奇其意趣乃請與錢二萬令學畫十餘年今寺中釋梵天女悉齊公妓小小等寫

真也寺有韓幹畫下生幘恐勒衣紫袈裟右邊仰面菩薩及二獅子猶入神

有王家舊鐵石及齊公所喪一歲子添之如羅睺羅每盆供日出之寺中彌勒殿齊公寢堂也 東廊北面楊

岫之畫鬼神齊公嫌其筆蹟故工止一堵
辭僧房連句 古畫思匡嶺上方疑傳岩蝶開移總作一

忍草蟬曉揭高杉柯古香字消芝印金經發菴函片通
松底脉書折洞中緘善繼

尖小小寫真連句 如生小小真猶自未棲塵夢復 偷
袂將離壁斜柯欲近人柯古 昔時知出衆清寵占橫陳

善繼不遣遊張巷豈教窺宋隣夢復 庾樓吹笛裂弘閣

賞歌新柯古 蟬怯折腰步蛾驚半額頰善繼 圖形誰有
術買笑詎辭貧柯古 複隴迷村徑重泉隔漢津夢復 同

心知作羽比目定為鱗善繼 殘月巫山夕餘霞洛浦晨
柯古

安邑坊立一作法寺 初居人張頰宅也嘗供養一僧

僧以念法華經為業積十餘年張門人譖僧通其侍婢
因以他事殺之僧死後闔宅常聞經聲不絕張尋知其

冤慙悔不及因捨宅為寺鑄金銅像十萬軀金石龕中
皆滿猶有數萬軀東廊南觀音院盧奢那堂內槽北面

壁畫維摩變屏風上相傳有虞世南書其日善繼令徹障登榻讀之有世南獻之白方知不謬矣

西北角院內有懷素書顏魯公序張渭侍郎錢起郎中云侍郎讚

曼殊院東廊大曆中畫人陳子昂畫廷下象馬人物一時之妙也及簷前額上有相觀法法擬韓混同西廊

壁有劉整畫雙松亦不循常輒微內典中禽事須切對鷺頭作嶺雞足名山夢復孔

雀為經鸚鵡語偈善繼共命是化入數論貪柯古未解出籠豈能獻菓昇上鷓居其上鴈墮於前柯古巢頂既

安入影不怖字中疑鶴珠裏認鵝柯古疑鶴一作疑鵝

徵獸中事須切對金翅鳥王銀角犢子柯古地名鹿

苑塔號雀離善繼啐啄同時慵快調伏昇上

徵馬事加諸楚毒昇上軋陟善繼馬寶夢復馱經柯古

愛馬昇上紺馬善繼馬麥約食粳柯古鐵馬昇上先陀

和柯古勝步昇上遊入正路柯古

平康坊菩薩寺佛殿東西障日及諸柱上圖畫是東廊

跡舊鄭法士畫開元中因屋壞移入大佛殿內槽北

壁○食堂東壁上吳道玄畫智度論色偈變偈是吳自題筆跡遒勁如磔鬼神毛髮次堵畫禮骨仙人天衣飛

揚滿壁風動

佛殿內槽後壁面吳道玄畫消災經事樹石古嶮元和
中上欲令移之慮其摧壞乃下詔擇畫手寫進佛殿
內槽東壁維摩變舍利佛角而轉滕元和末俗講僧文
淑菱筆蹟盡矣

故興元鄭公尚書題北壁僧院詩曰但慮彩色污無虞
臂胛肥置寺碑陰雕飾奇巧相傳鄭法士所起樣也初
會覺上人以施利起宅十餘畝工畢釀酒百石列餅甕
於兩廡下引吳道玄觀之因謂曰檀越爲我畫以是賞
之吳生嗜酒且利其多欣然而許予以踪跡似不及景

公寺畫中三門內東門塑神善繼云是吳生弟子王耐兒
之工也其側一鬼有靈往往百姓戲犯之者得病口目
如之寺之制度鍾樓在東唯此寺緣李右座林甫宅在
東故建鐘樓於西寺內有郭令琰瑁鞭及郭令王夫人
七寶帳寺主元竟多識釋門故事云李右座每至生日
常轉請此寺僧就宅設齋有僧乙嘗嘆佛施鞍一具賣
之材直七萬又僧廣有聲名口經數年次當嘆佛因極
祝右座功德冀獲厚觀齋畢簾下出經篋香羅帕籍一
物如朽釘長數寸僧歸失望慙恍數日且意大臣不容
欺已遂携至西市示於商胡商胡見之驚曰上人安得

此物必貨此不違價僧試求百千胡人大笑曰未也更
極意言之加至五百千胡人曰此直一千萬遂與之僧訪
其名曰此寶骨也

又寺先有僧不言姓名常負束藁坐卧於寺兩廊下不
肯住院經數年寺綱維或勸其住房曰爾厭我耶其夕
遂以束藁焚身至明唯灰燼耳無血管之臭衆方知異
人遂塑灰為像今在佛殿上世號束草師

辭書事連句 悉為無事者任被俗流憎 夢復 客異干

時客僧非出院僧 柯古 遠聞踈牖磬曉辨密龕燈 善繼

步觸珠幡響吟窺鉢水澄 夢復 句饒方外趣遊愜社中

朋 柯古 靜裏已馴鴿齋中亦好鷹 善繼 金塗筆是褰彩

溜紙非曾 昇上人 錫杖已剋鋟田衣從壞脰 柯古 占牀敷

一脅卷箔賴長肱 善繼 佛日初開照魔天破幾層 柯古

况中陳秘計論處正先登 善繼 勇帶綻針石危防丘井

藤 昇上人 射銀

唐段少卿酉陽雜俎漢集卷之六

唐 太常少卿臨淄柯古段成式 撰

明 四川道監察御史內鄉李雲鵠 校

寺塔記下

宣陽坊奉慈寺開元中虢國夫人宅安祿山僞署百官以田乾真為京兆尹取此宅為府後為郭曖駙馬宅今上即位之初太皇太后為昇平公主追福奏置奉慈寺賜錢二十萬綉幘三車抽左街十寺僧四十一人居之今有僧惟則以七寶末摹阿育王舍利塔自明州負米寺成後二年司農少卿楊敬之小女年十三以六韻詩題此寺

自稱關西孔子二十七代孫字德鄰警句云日月金輪
動旃檀碧樹秋塔分鴻鴈翅鍾挂鳳凰樓事因見勅賜
衣

徵釋門衣事語須對

如象

鼻投牛

一云

耳

柯古

五納

三衣

善繼

慙愧斗數

昇上

壞

衣嚴身

約上

畜長十日應

作三誌

入上

雜身四寸掩手

兩指

柯古

璪形刀殘

善繼

其形如稱其色如蓮

昇上

赤

麻白豆若青若黑

柯古

光宅坊光宅寺

本官蒲萄

園中禪師影堂師號惠中

肅宗上元二年徵至京師初居此寺徵詔云杖錫而來

京師非遠齋心已久副朕虛懷

建中中有僧竭造曼殊堂將

版基於水際慮傷生命及

建三月道場祝一足至多足

無足令他去及掘地至泉

不遇蟲蟻又以複素過水有

蟲投一井水中號護圭井

至今涸又鑄銅蟾為息烟燈

天下傳之今曼珠院嘗轉

經每賜香寶臺甚顯登之四極眼界其上層牕下尉遲

畫下層牕下吳道玄畫皆非其得意也丞相韋處厚自

居內廷至相位每歸輒至此塔焚香瞻禮

普賢堂本天后梳洗堂蒲萄

垂實則幸此堂今堂中尉

遲畫頗有奇處四壁畫像及

脫皮白骨匠意極嶮又變

形三魔女身若出壁又佛圓

光均彩相錯亂目成講東

壁佛座前錦如斷古標又左右梵僧及諸蕃徃竒然不
及西壁西壁逼之標標然

辭中禪師影堂連句 名下固無虛教曹貌嚴毅洞達

見空王圓融入佛地 善繼 一言當要言忽忽醒諸醉不

動須彌山 一云不動 多方 一作辨無價 坦率對萬

乘偈荅無所避爾如毗沙門外形如脫履 柯古 但以理

為量不語怪力事木石摧貢高慈悲引貧患 昇上 當時

乏支許何人契深致隨宜詎說三直下開不二 柯古

翊善坊保壽寺 本高力士宅天寶九載捨為寺初鑄

鍾成力士設齋慶之舉朝畢至一擊百千有規其意連

擊二十杵經藏閣規構危巧二世火珠受十餘斛

河陽從事李涿性好竒古與僧智增善嘗俱至此寺觀

庫中舊物忽於破甕中得物如被幅裂汚空觸而塵起

涿徐視之乃畫也因以縣圖三及縑三十獲之令家人

裝治之大十餘幅訪於常侍柳公權公權方知張萱所

畫石橋圖也玄宗賜高因留寺中後為鬻畫人宗牧言

於左軍尋有小使領軍卒數十人至宅宣勅取之即日進

入先帝好古見之大悅命張於盧韶院

寺有先天菩薩幀 一作燈 本起成都妙積寺開元初有尼

魏八師者常念大悲呪雙流縣百姓劉乙名意兒年十

一自欲事魏，尺尺遣之不去，常於奧室立禪，嘗白魏云：先天菩薩見身此地，遂飾灰於庭。一夕有巨跡數尺，輪理成就，因謁畫工，隨意設色，悉不如意。有僧楊法成，自言能畫，意兒常合掌仰祝，然後指授之。以近十稔工，方畢。後塑先天菩薩凡二百四十二首，首如塔，勢分臂如意。蔓其榜子，有一百四十日鳥樹，一鳳四翅水肚樹，所題深恠，不可詳悉。畫樣凡十五卷，柳七師者，崔寧之甥，分三卷往上都流行。時魏奉古為長史，進之後，因四月八日賜高力士，今成都者是其次本。

辭先天幘讚連句

觀音化身厥形孔恠，胞腦淫厲衆

魔膜拜

善繼

指夢鴻紛榜列區界，其事明張何不可解。

柯古

關河德川大士先天衆像，參羅瞰瞰田田。

夢復百

億花發百千燈燃，膠如絡繹浩汗連綿。

善繼

煥摩界戚

一作

洛迦苦霽正念歸，依衆青如篲。

柯古

庚滓可汰癡

膜可蛻稽首如空，睟容若睟。

善繼

闡提墨尿觀而面之

寸念不生未遇乎而

柯古

胞腦一作胞腦瞰瞰一作福源墨屎一作黑師

事徵高力士呼二兄

柯古

呼阿翁

善繼

呼將軍

夢復

呼火老

柯古

五輪磴

善繼

初施棨戟

夢復

常臥鹿牀

柯古

長六尺五寸

善繼

陪葬秦陵

夢復

詠薺

柯古

齒成印

善繼

上國下國

夢復

夢鞭

柯古

呂氏生髭

善繼

宣陽坊靜域寺 本太穆皇后宅寺僧云三階院門外
是神堯皇帝射孔雀處禪院門內外游日記云王昭隱
畫門西裏面和修言龍王有靈門內之西火目藥叉及
北方天王甚奇猛門東裏面賢門也野义部落鬼首上
蟠虵汗烟可懼東廊樹石嶮怪高僧亦惟西廊萬壽菩薩
院門裏南壁皇甫軫畫鬼神及雕形勢若脫軫與吳
道玄同時吳以其藝逼已募人殺之

萬菩薩堂內有寶塔以小金銅塔數百飾之大曆中將
作劉監有子合手出胎七歲念法華經及卒焚之得舍利
數十粒分藏於金銅塔中善繼云合是劉銘一作佛殿

東廊有古佛堂其地本雍村堂中像設悉是石作相傳

云隋恭帝終此堂

雍村作維村

三門外畫亦皇甫軫跡也金剛舊有靈大寶初駙馬獨
孤明宅與寺相近獨孤有婢名懷春稚齒俊俏常悅西
隣一士人因宵期於寺門有巨虵束之俱卒

佛殿內西座蕃神甚古實貞元已前西蕃兩度盟皆載
此神立于壇而誓相傳摩時頗有靈

辭三階院連句 密密助堂堂隋人歌壓桑雙鶻摧孔

雀一矢隕貪狼何古百步望雲立九規看月張獲蛟徒

破浪中無一作漫如墻善繼還似貫金鼓更疑穿石梁

因添挽河力為滅射天狂柯古絕藝却南牧英聲來鬼

方麗龜何足敵殪豕未為長善繼龍臂勝猿臂星芒起

箭芒虛誇絕高鳥垂拱議明堂柯古雙鬪一作雙弧

崇義坊招福寺 本日正覺國初毀之以其地立第賜

諸王睿宗在藩居之軋封二年移長寧公主佛堂於此

重建此寺寺內舊有池下永樂東街數方土填之今地

底下樹根多露長安二年內出等身金銅像一鋪并九

部樂南北兩門額上與岐薛二王親送至寺綵乘象輿

羽衛四合街中餘香數日不歇景龍二年又賜真容坐

像詔寺中別建聖容院是玄宗在春宮真容也先天二

年勅出內庫錢二千萬巧匠一千人重脩之

睿宗聖容院門外鬼神數壁自內移來畫跡甚異鬼所

執野雞似覺毛起庫院鬼子母貞元中李真畫往往得

長史規矩把鏡者猶工 寺西南隅僧伽像從來有靈

至今百姓上幡繖不絕先寺奴朝來者常續明塗地數

十年不懈李某為尹時有賊引朝來吏將收捕奴不勝

其寃乃上鍾樓遥啓僧伽而碎身焉恍惚間見異僧以

如意擊曰無苦自將治也奴覺奴跳下數尺地一毛不

損囚聞之悔懊自服奴竟無事

辭贈諸上人連句 翻了西天偈燒餘梵宇香撚眉愁

俗客支頰背殘陽柯古洲號唯思沃山名祇記匡辨中

摧世智定裏破魔強善繼許獻禪心徹湯休詩思長朗

吟踈磬斷久語貫珠妨柯古乘興書芭葉間來入豆房

漫題存古壁惟畫匣長廊善繼

事徵釋門古今謎字爭田書貞字善繼馬兜知伯叔

柯古解夢羊負魚夢復問入曰下人善繼塔上書師子

徵前代關釋門佳譜何克志大宇宙善繼此子疲於

津梁柯古生天在丈人後夢復二何佞於佛善繼問年

荅小如來五歲柯古答四聲云天寶寺刹夢復菩薩嘔

眉所以慈悲六道善繼周妻何肉柯古

招國坊崇濟寺寺內有天后織成蛟龍披襖子及繡

衣六事東廊從南第二院有宣律師製袈裟堂曼殊

堂有松數株甚奇

辭宣律和尚袈裟絕句共覆三衣中夜寒披時不鎮

左師壇無因蓋得龍宮地畦裏塵飛業相殘善繼

和前南山杪時寒夜中一肉不動毗嵐風何人見此

生慙愧斷續猶應護得龍柯古杪一作披

奇松二十字柳桂何相踈榆枌方迥屑無人擅談和

一枝不敢折柯古半庭苔蘚深吹餘鳴佛禽至於摧折

枝凡草猶避陰善繼僻徑根從露閑房枝任侵一株風

正好來助碧雲吟夢復時時掃牖聲重露滴寒砌風颭

一枝道閑窺別生勢昇上偃蓋入樓妨盤根侵井窄高

僧獨惆悵為與澄嵐隔柯古柳桂榆柳一作杉松

永安坊永壽寺 三門東吳道子畫似不得意佛殿名

會仙本是內中梳洗殿貞元中有証智禪師往往著靈

驗或時在張橫蘭若中治田及夜歸寺若在金山界相

去七百里

辭閑中好 閑中好盡日松為侶此趣人不知輕風度

僧語夢復閑中好 塵務不縈心坐對當牕木看移三面

陰柯古閑中好幽磬度聲遲卷上論題肇畫中僧姓支

善繼

崇仁一作聖坊資聖寺 淨土院門外相傳吳生一夕秉

燭醉畫就中戟手視之惡駭院門裏盧楞伽常學吳勢

吳亦授以手訣乃畫惣持三門寺方半吳大賞之謂人

曰楞伽不得心訣用思太苦其能久乎畫畢而卒

中門牕間吳道子畫高僧畫述贊李巖書中三門外兩

面上層不知何人畫人物頗類閩令 寺西廊北隅楊

坦畫近塔天女明睇將瞬一作舞團一作圖塔院北堂有

鐵觀音高三丈餘觀音院兩廊四十二賢聖韓幹畫元

中書載贊東廊北頭散馬不意見者如將嘶蹠 聖僧

中龍樹商那和修絕妙圍塔上菩薩李異一作真畫四面

花鳥邊鸞畫當藥上菩薩頂茂葵猶佳 塔中藏千部

法華經

辭諸畫連句 栢梁體 吳生畫勇矛戟攢柯古出奇

變勢千萬端一作出奇勝蒼蒼鬼怪層壁寬夢復

觀之忽忽毛髮寒柯古稜伽之力所疼癢一作神柯古李

真周助優劣難夢復活禽生卉推邊鸞柯古花房嫩彩

猶未乾善繼韓幹變態如激湍夢復惜哉壁畫勢未殫

柯古後人新畫何漫汗善繼作疲殫

楚國寺 寺內有楚哀王等金身銅像哀王繡襖半袖

猶在長慶中賜織成雙鳳夾黃襖子鎮在寺中門內有

放生池 太和中賜白氈黃胯衫 寺墻西朱泚宅

事徵 地獄等活約上人八抹洛伽義上人波吒昇上人壞從

獄不生柯古鈇河約上人劍林義上人烱銅昇上人

諸上人以予該悉內典請予獨徵無中陰五無間黑繩

赤樹火厚二百肘風吹二千年陸陀羅炭鉢頭摩赫護

量五十由旬舌長三車餘銅鷲鐵蟻阿鼻十一義九千

鉢頭摩如一袋訶麻百年餘一畫並古

慈恩寺 寺不淨覺故伽藍因而營建焉凡十餘院摠

一千八百九十七間勅度三百僧初三藏自西域廻詔
太常卿江夏王道宗設九部樂迎經像入寺綵車凡千
餘輛上御安福門觀之太宗常賜三藏衲約直百餘金
其工無鍼紼之迹初三藏翻因明譯經僧栖玄以論示
尚藥奉御呂才才遂張之廣衢指其長短著破義圖其
序云豈謂象繫之表猶開八正之門形器之先更弘二
知之教立難四十餘條詔才就寺對論三藏謂才云檀
越平生未見太女詔問湏臾卽解由來不窺象戲試造
旬日卽成以此有限之心逢事卽欲穿鑿因重申所難
一一收攝折毫藏耳袞袞不窮凡數千言才屈不能領

辭屈禮拜 塔西面畫濕耳師子仰摹蟠龍尉遲畫及
花子鉢曼殊皆一時絕妙

寺中柿樹白牡丹是法力上人手植上人是常執爐循
諸屋壁有變相處輒獻虔祝年無虛月又殿庭大莎羅
樹大曆中安西所進其木椿賜此寺四檨檨皆灼燬其
木大德行逢自種之一株不活

唐段少卿酉陽雜俎續集卷之七

唐太常少卿臨淄柯古段成式撰

明四川道監察御史內鄉李雲鶴校

金剛經鳩異

貞元十七年先君自荆入蜀應韋南康辟命泊韋之暮
年為賊關讒構遂攝尉靈池縣韋尋薨賊關知留後先
君舊與關不合聞之連夜離縣至城東門關尋有帖不
令諸縣官離縣其夕陰風及返出郭二里見火兩炬夾
道百步為導初意縣吏迎候且恠其不前高下遠近不
差欲及縣郭方滅及問縣吏尚未知府帖也時先君念

金剛經已五六十年數無虛日信乎至誠必感有感必應
向之導火乃經所著迹也後闢逆節漸露詔以袁公滋
為節度使成式再從叔少從軍知左營事懼及禍與監
軍定計以蠟丸帛書通謀於袁事旋發悉為魚肉賊謂
先君知其謀於一時先君念經夜久不覺困寐門戶悉
閉忽覺聞闔戶而入言不畏者再三若物投案曝然有
聲驚起之際言猶在耳顧視左右吏僕皆睡俾燭檠四
索初無所見向之關扃已開闢矣先君受持此經十餘
萬遍徵應事孔著成式近觀晉宋已來時人咸著傳記
彰明其事又先命受持講解有唐已來金剛經靈驗記

三卷成式當奉先命受持講解太和二年於揚州僧栖
簡處聽平消御注一遍六年於荊州僧靖奢處聽大雲
疏一遍開成元年於上都懷楚法師處聽青龍疏一遍
復日念書寫猶希傳照罔極盡形流通撫拾遺逸以備

闕佛事號金剛經鳩異

燭檠一作檠權

張鑑相公先君齊丘酷信釋氏每日更新衣執經於像
前念金剛經十五遍積數十年不懈永泰初為朔方節
度使衙內有小將負罪懼事露乃扇動軍人數百定謀
反叛齊丘因衙退於小廳閑行忽有兵數十露刃走入
齊丘左右唯奴僕遽奔宅門過小廳數步迴顧又無人

疑是鬼物將及門其妻女奴婢復叫呼出門云有兩甲士身出廳屋上時衙隊軍健聞變持兵亂入至小廳前見十餘人屹然庭中垂手張口投兵於地衆遂擒縛五六人瘖不能言餘者具首云欲上廳忽見二甲士長數丈噴目叱之初如中惡齊丘聞之因斷酒肉張鳳翔卽予門吏盧邁親姨夫邁語予云

劉逸淮在汴時韓弘爲右廂虞候王某爲左廂虞候與弘相善或謂二人取軍情將不利於劉劉大怒俱召詰之弘卽劉之甥因控地碎首大言劉意稍解王某年老股戰不能自辯劉叱令拉坐杖三十時新造赤棒頭徑

數寸固以筋漆拉之不計數五六當死矣韓意其必死及昏造其家怪無哭聲又謂其懼不敢哭訪其門卒卽云大使無恙弘素與熟遂至卧内問之王云我讀金剛經四十年矣今方得力言初被坐時見巨手如簸箕翁然遮背因袒示韓都無撻痕韓舊不好釋氏由此始與僧往來日自寫十紙乃積計數百軸矣後在中書盛暑有諫官因事謁見韓方洽汗寫經恠問之韓乃具道王其事予職在集仙常侍柳公爲予說

梁崇義在襄州未阻兵時有小將孫咸暴卒信宿却蘇夢至一處如王者所居儀衛甚嚴有吏引與一僧對事

僧法號懷秀亡已經年在生極犯戒及入冥無善可錄
乃給云我常囑孫咸寫法華經故咸被追對咸初不省
僧故執之經時不決忽見沙門曰地藏尊者語云弟子
若招承亦自獲祐咸乃依言因得無事又說對勘時見
一戎王衛者數百自外來冥王降階齊級升殿坐未久
乃大風捲去又見一人被携覆罪福此人常持金剛經
又好食肉左邊有經數千軸右邊積肉成山以肉多將
入重論俄經堆中有火一星飛向肉山頃刻銷盡此人
遂履空而去咸問地藏向來外國王風吹何處地藏云
彼王當入無間向來風卽業風也因引咸看地獄及門
烟焰扇赫聲若風雷懼不敢視臨回鑊湯跳沫滴落左
股痛入心髓地藏乃令一吏送歸不許漏洩冥事及廻
如夢妻兒環泣已一日矣遂破家寫經因請出家夢中
所滴處成瘡終身不差

貞元中荊州天崇寺僧智燈常持金剛經遇疾死弟子
啓手足猶熱不卽入木經七日却活云初見冥中若王
者以念經故合掌降階因問訊言更容上人十年在世
勉出生死又問人間衆僧中後食薏苡仁及藥食此大
通本教燈報云律中有開遮條如何云此後人加之非
佛意也今荊州僧衆中後無飲藥者

公安潺陵林百姓王從貴妹未嫁常持金剛經貞元中
忽暴疾卒埋已三日其家復墓聞塚中呻吟遂發視之
果有氣輿歸數日能言云初至冥間冥吏以持經功德
放還王從貴能治木常於公安靈化寺起造其寺禪師
曙中常見從貴說

章南康鎮蜀時有左營伍伯於西山行營與同火卒學
念金剛經性頑初一日纔得題目其夜堡外拾薪為蕃
騎縛去行百餘里乃止天未明遂踏之於地以髮繫擗
覆以氍毹一作寢其上此人惟念經題忽見金一錠放
光止於前試與首動身所縛悉脫遂潛起逐金錠走計

行未得十餘里遲明不覺已至家家在府東市妻兒初
疑其鬼具陳來由到家五六日行營將方申其逃初章
不信以逃日與至家日不差始免之

元和初漢州孔目典陳昭因患見一人着黃衣至牀前
云趙判官喚爾昭問所因云至自冥間劉闢與竇懸對
事要君為證昭即留坐逡巡又有一人手持一物如毬
胞前吏恠其遲答之曰緣此候屠行開因笑謂昭曰君
勿懼取生氣須得猪胞君可面東側卧昭依其言不
覺已隨二吏行路甚平可十餘里至一城大如府城甲
士守門焉及入見一人怒容可駭即趙判官也語云劉

關收東川竇懸捕牛四十七頭送梓州稱准關判殺關
又云先無牒君為孔目典合知是實未及對隔壁聞竇
懸呼陳昭好在及問兄弟妻子存亡昭即欲參見冥吏
云竇使君形容極惡不欲相見昭乃具說殺牛實奉劉
尚書委曲非牒也紙是麻覓在漢州某司房架即令吏
領昭至漢州取之門館扃鎖乃於節竅中出入委曲至
關乃無言趙語昭爾自有一過知否竇懸所殺牛爾取
一牛頭昭未及對趙曰此不同人間不可抵假須更見
一卒挈牛頭而至昭即恐懼求救趙令檢格合決一百
考五十日因謂昭曰爾有何功德昭即自陳設若干人

齊畫其像趙云此來生緣爾昭又言曾於表兄家轉金
剛經趙曰可合掌請昭依言有頃見黃幘箱經自天而
下住昭前昭取視即表兄所借本也有燒處尚在又令
合掌其經即滅趙曰此足以免便放廻復令昭往一司
曰生祿檢其修短吏報云昭本名釗是金榜刀至某年
改為昭更得十八年昭聞惆悵趙笑曰十八年大得作
樂事何不悅乎乃令吏送昭至半道見一馬當路吏云
此爾本屬可乘此即騎乃活死已一日半矣
荊州法性寺僧惟恭三十餘年念金剛經日五十遍不
拘僧儀好酒多是非為衆僧所惡後遇疾且死同寺有

僧靈巋其迹類惟恭爲一寺二害因他故出去寺一里
逢五六年年少甚都衣服鮮潔各執樂器如龜茲部間
靈巋惟恭上人何在靈巋卽語其處疑其寺中有供也
及晚廻入寺聞鍾聲惟恭已死因說向來所見其日合
寺聞絲竹聲竟無樂人入寺當時名僧云惟恭蓋承經
之力生不動國一作亦以其跡勉靈巋也靈巋感悟折
節緇門

董進朝元和中入軍初在軍時宿真城東樓上一夕月
明忽見四人着黃從東來聚立城下說已姓名狀著追
捕因相語曰董進朝常持金剛經以一分功德祝庇冥

司我輩父蒙其惠如何殺之須在命相代若此人他去
我等無所賴矣其一人云董進朝對門有一人同姓同
年壽限相埒可以代矣因忽不見進朝驚異之及明已
聞對門得魂聲問其故死者父母云子昨宵暴卒進朝
感泣說之因爲殯葬供養其父母焉後出家法號慧通
住輿元唐安寺

元和中嚴司空綬在江陵時潯陽鎮將王沔常持金剛
經因使歸州勘事廻至吃灘船破五人同溺沔初入水
若有人授竹一竿隨波出沒至下牢鎮着岸不死視手
中物乃授持金剛經也吃灘至下牢三百餘里

長慶初荊州公安僧會宗姓蔡常中蠱得病骨立乃發願念金剛經以待盡至五十遍晝夢有人令開口喉中引出髮十餘莖夜又夢吐大蟻長一肘餘因此遂愈荆山僧行堅見其事

江陵開元寺般若院僧法正日持金剛經三七遍長慶初得病卒至冥司見若王眷問師生平作何功德荅曰常念金剛經乃揖上殿令登綉坐念經七遍侍衛悉合掌階下拷掠論對皆停息而聽念畢後遣一吏引還王下階送云上人更得三十年在人間勿廢讀誦因隨吏行數十里至一大坑吏因臨坑自後推之若墮空焉死

已七日唯面不冷法正今尚在年八十餘荊州僧常靖親見其事

石首縣有沙彌道蔭常持念金剛經寶歷初長慶因他出夜歸中路忽遇虎吼擲而前沙彌知不免乃閉目而坐但默念經心期救護虎遂伏草守之及曙村人來徃虎乃去視其蹲處涎流於地

元和三年賊李同捷阻兵滄景帝命劉祐統齊德軍討之初圍德州城城堅不拔翌日又攻之自卯至未十傷八九竟不能拔時有齊州衙內八將官徒兒王忠幹博野人常念金剛經積二十餘年日數不闕其日忠幹上

飛梯將及堞身中箭如蝟爲禰木擊落同火卒曳出羊
水濠裏岸祐以暮夜命抽軍其時城下矢
落如雨同火人
反忠幹屍忠幹旣死夢至荒野
遇大河欲渡無因仰天才見人語聲忠幹見一人
長丈餘疑其神人因求指營路其人云爾莫怕我令爾
得渡此河忠幹拜之頭低未舉神人把腰擲之空中久
方着地忽如夢覺聞賊城上交二更初不記過水亦不
知瘡擡手捫面血塗眉睫方知傷損乃舉身強行百餘
步却倒復見向人持刀叱曰起起忠幹驚懼遂走一里
餘坐歇方聞本軍喝號聲遂及本營訪同火卒方知身

死在水濠裏卽夢中所過河也忠幹見在齊德軍

何軫鬻販爲業妻劉氏少斷酒肉常持金剛經先焚香
像前願年止四十五臨終心不亂先知死日至太和四
年冬四十五矣悉捨資裝供僧欲入歲假遍別親故何
軫以爲病魅不信至歲除日請僧受入關沐浴易衣獨
處一室趺坐高聲念經及辨色悄然兒女排室入看之
已卒頂熱灼手軫以僧禮葬塔在荊州北郭

蜀左營卒王殷常讀金剛經不如葷飲酒爲賞設庫子
前後爲人誤累合死者數四皆非意得免至太和四年
郭釗司空鎮蜀郭性嚴急小不如意皆死王殷因呈錦

顯郭嫌其惡弱令袒背將斃之郭有番狗隨郭卧起非使宅人逢之輒噬忽吠數聲立抱王殷背駢逐不去郭異之怒遂解

郭司空離蜀之年有百姓趙安常念金剛經因行野外見衣一撲遺墓側安以無主遂持還至家言於妻子隣人卽告官趙盜物捕送縣賊曹怒其不承認以大關挾脛折三段後令杖舂杖下輒折吏意其有他術問之唯念金剛經及申郭郭亦異之判放及歸其妻云某日聞君經函中震裂數聲懼不敢發安乃馳視之帶斷軸折紙盡破裂安今見在

太和五年漢州什邡縣百姓王翰常在市日逐小利忽暴卒經三日却活云冥中有十六人同被追十五人散配他處翰獨至一司見一青衫少年稱是已姪爲冥官廳子遂引見雜典又云是已兄貌皆不相類其兄語云有冤牛一頭訴爾燒畝在燒殺之爾又曾賣竹與殺狗人作筴篋殺狗兩頭狗亦訴爾爾今名未係死籍猶可以免爲作何功德翰欲爲設齋及寫法華經金光明經皆曰不可乃請曰持金剛經日七遍與之其兄喜曰足矣及活遂捨業出家今在什邡縣

太和七年冬給事中李公石爲太原行軍司馬孔目官

高涉因宿使院至鼕鼕鼓起時詣隣房忽遇一人長六尺餘呼曰行軍喚爾涉遂行行稍遲其人自後拓之不覺向北約行數十里至野外漸入一谷底後上一山至頂四望邑屋盡眼下至一曹司所追者呼云追高涉到其中人多衣朱綠當案者似崔行信郎中判云付司對復引出至一處數百人露坐與猪羊離處領至一人前乃涉妹婿杜則也逆謂涉曰君初得書手時作新人局遣某買羊四口記得否今被相債備嘗苦毒涉遽云爾時祇使市肉非羊也則遂無言因見羊人立齧則逡巡被領他去倏忽又見一處露架上釘大鐵環有

數百人皆持刀以繩繫人頭牽入環中剗剔之涉懼走出但念金剛經倏忽逢舊相識楊演云李尚書時杖殺賊李英道爲劫賊事已於諸處受生三十年今却訴前事君常記得無涉辭以年幼不省又遇舊典段怡先與涉爲義兄弟逢涉云先念金剛經莫廢忘否向來所見未是極苦處勉樹善業今得還乃經之力因送至家如夢死已經宿向所拓處數日青腫

永泰初豐州烽子暮出爲党項縛入西蕃易馬蕃將令穴肩骨貫以皮索以馬數百蹄配之經半歲馬息一倍蕃將賞以羊革數百因轉近牙帳贊普子愛其了事遂

令執爨左右有剩肉餘酪與之又居半年因與酪肉悲
泣不食贊普問之云有老母頻夜夢見贊普頗仁聞之
悵然夜召帳中語云蕃法嚴無放還例我與爾馬有力
者兩疋於某道縱爾歸無言我也烽子得馬極騁俱乏
死遂晝潛夜走數日後爲刺傷足倒磧中忽有風吹物
窸窣過其前因攬之裹足有頃不復痛試起步走如故經
信宿方及豐州界歸家母尚存悲喜曰自失爾我唯念
金剛經寢食不廢以祈見爾今果其誓因取經拜之縫
斷亡數幅不知其由子因道磧中傷足事母令解足視
之所裹瘡物乃數幅經也其瘡亦愈

大曆中太原偷馬賊誣一王孝廉同情拷掠旬日苦
強首推吏疑其冤未卽具獄其人惟念金剛經其聲哀
切晝夜不息忽一日有竹兩節墜獄中轉至於前他囚
爭取之獄卒意藏及破視內有字兩行云法尚應捨何
况非法書蹟甚工賊首悲悔具承以匿一曰嫌誣之

唐段少卿西陽雜俎續集卷之八

唐太常少卿臨淄柯古段成式撰

明四川道監察御史內鄉李雲鵠校

支動

北海有木兔類顛顛

鼠食鹽則身輕

烏賊魚骨如通草可以刻為戲物

章舉每月三八則多

蝦姑狀若蜈蚣管蝦

南海有水族前左脚長前右脚短口在脇傍背上常以

左脚捉物實於右脚右腳中有齒嚼之方內於口大三尺餘其聲木木南人呼爲海木

獵者不殺豺以財爲同聲 又南方惡豺向人作聲

衛公幼時常於明州見一水族有兩足背似雞身如魚

衛公年十一過瞿塘波中覩一物狀如嬰兒有翼翼如

鸚鵡公知其怪卽時不言晚風大起方說

句容赤沙湖食朱砂鯉帶微紅味極美

負朱魚亦絕美每鱗一點朱

向北有濮固羊大而美

丙穴魚食乳水食之甚温

蜃身一半已下鱗盡逆

太和七年河陰忽有蠅蔽天如蝗止三日河陽界經旬

方散有李肇時爲尉向予三從兄說

南中瑇瑁斑點盡模糊唯振州瑇瑁如船上者嘗見衛

公先白書上作此疇明字

衛公言鵝警鬼鳩鵲厭火孔雀辟惡

洪州有牛尾狸肉甚美

威遠軍子將臧平者好鬪雞高於常雞數寸無敢敵者

威遠監軍與物十疋強買之因寒食乃進十宅諸王皆

好鬪雞此雞凡敵十數猶擅場怙氣穆宗大悅因賜威

遠監軍帛百疋主雞者想其踈距奏曰此雞實有弟長
趾善鳴前歲賣之河北軍將獲錢二百萬

韋絢云巴州兔作狸班

凡鷲鳥雄小雌大庶鳥皆雄大雌小

予同院宇文獻云吉州有異蟲長三寸餘六足見蚓必
齧為兩段纔斷各化為異蟲相似無別

又有赤腰蜂養子於蜘蛛腹下

鯀鯀魚肝與子俱毒食此魚必食艾艾能已其毒江淮
人食此魚必和艾

夔州刺史李貽孫云嘗見木枝化為蚓

道書以鯉魚多為蛇故不欲食非緣反藥庶子張文規

又曰醫方中畏食細魚謂若魚中猪肉也

衛公畫得峽中異雌翅闊四寸餘深褐色每翅上有二

金眼

公又說道書中言麀鹿無魂故可食

予幼時嘗見說郎巾謂狼之筋也武宗四年官市郎巾
予夜會客悉不知郎巾何物亦有疑是狼筋者坐老僧
泰賢云涇帥段祐宅在招國坊嘗失銀器十餘事貧道
時為沙彌每隨師出入段公宅段因令貧道以錢一千
詣西市賈胡求郎巾出至修竹南街金吾鋪偶問官徒

朱秀秀曰甚易得但人不識耳遂於古培摘出三枚如
巨虫兩頭光帶黃色祐得卽令集奴婢環庭炙之蟲慄
蠕動有一女奴臉唇潤動詰之果竊器而欲逃者

象管環王國野象成群一牡管札三十餘札牙纔二尺
迭供牡者水草卧則環守札象死共窆地理之號吼移
時方散又國人養馴可令代樵

熊膽春在首夏在腹秋在左足冬在右足

南安蠻江蛇至五六月有巨虵泛江岸首如張帽萬萬
蛇隨之入越王城

野牛高丈餘其頭似鹿其角丫戾長一丈白毛尾似鹿

出西域

潛牛勾漏縣大江中有潛牛形似水牛每上岸鬪角軟
還入江水角堅復出

貓目睛暮圓及午豎歛如絃其鼻端常冷唯夏至一日
煖其毛不容蚤虱黑者闇中逆循其毛卽若火星俗言
貓洗面過耳則客至楚州謝陽出貓有褐花者靈武紅
叱撥及青驄色者貓一名蒙貴一名烏員平陵城古潭
國也城中有一貓常帶金鎖有錢飛若蛺蝶士人往往
見之

鼠舊說鼠王其溺精一滴成鼠一說鼠母頭脚似鼠尾

蒼口銳大如水中 性畏狗溺一滴成一鼠時鼠灾多
起於鼠母鼠母所至處動成萬萬鼠其肉極美凡鼠食
死人目睛則爲鼠王俗云鼠齧上服有喜凡齧衣欲得
有盖無盖凶

千歲鷺齊魯之間謂鷺爲乙作巢避戊巳玄中記云千
歲之鷺戶北向述異要云五百歲鷺生胡鬚

鷓鴣飛數逐月如正月一飛而止于窠中不復起矣十
二月十二起最難採南人設網取之

鵲窠鵲構窠取在樹杪枝不取墮地者又纏枝受卵端
午日午時焚其窠灸病者疾立愈

勾足鸚鵡交時以足相勾促鳴 鼓翼如鬪狀往往墜地
俗取其勾足爲媚藥

壁鏡一日江楓亭會衆說單方成式記治壁鏡用白礬
重訪許君用桑柴灰汁三度沸取汁白礬爲膏塗瘡口
卽差兼治蛇毒自商鄧襄州多壁鏡毒人必死坐客或
云巳年不宜殺蛇

大蝎安邑縣北門縣人云有一蝎如琵琶大每出來不
毒人人猶是恐其靈積年矣

紅蝙蝠劉君云南中紅蕉花時有紅蝙蝠集花中南人
呼爲紅蝙蝠

青蚨似蟬而狀稍大其味辛可食每生子必依草葉大如蠶子人將子歸其母亦飛來不以近遠其母必知處然後各致小子巾埋東行陰墻下三日開之即以母血塗之如前每市物先用子即子歸母用母者即母歸子如此輪還不知休息若買金銀珍寶即錢不還青蚨一名魚伯

寄居之蟲如螺而有脚形似蜘蛛本無殼入空螺殼中載以行觸之縮足如螺閉戶也火炙之乃出走始知其寄居也

螺羸今謂之蠨螋也其為物純雄無雌不交不產取桑

蟲之子祝之則皆化為已子蜂亦如此耳

鯽魚東南海中有祖州鯽魚出焉長八尺食之且暑而避風此魚狀即與江湖小鯽魚相類耳潯陽有青林湖鯽魚大者二尺餘小者滿尺食之肥美亦可止寒熱也

黃魴魚色黃無鱗頭尖身似大櫛葉口在頷下眼後有耳竅通於腦尾長一尺末三刺甚毒煎音

螳螂傍海大魚脊上有石十二時一名籬頭溺一名螳蟾其溺甚毒

鄆縣侯生者於漚麻池側得鱣魚大可尺圍烹而食之髮白復黑齒落更生自此輕健

劍魚海魚千歲爲劍魚一名琵琶魚形似琵琶而喜鳴
因以爲名虎魚老則爲蛟江中小魚化爲蝗而食五穀
者百歲爲鼠

金驢晉僧朗住金榆山及卒所乘驢上山失之時有人
見者乃金驢矣樵者往往聽其鳴響土人言金驢一鳴
天下太平

聖龜福州貞元末有村人賣一籠龜其數十三販藥人
徐仲以五錢獲之村人云此聖龜不可殺徐置庭中一
龜藉龜而行八龜爲導悉大六寸徐遂放於軋元寺後
林中一夕而失

運糧驢西域厭達國有寺戶以數頭驢運糧上山無人
驅逐自能往返寅發午至不差晷刻

鄧州卜者有書生住鄧州嘗遊郡南數月不返其家詣
卜者占之卜者視卦曰甚異吾未能了可重祝祝畢拂
龜改灼復曰君所卜行人兆中如病非病如死非死逾
年自至矣果半年書生歸云遊某山深洞入植物蟄如
中疾四支不能動昏昏若半醉見一物自明入穴中却
返良久又至直附身引頸臨口鼻細視之乃巨龜也十
息頃方去書生酌其時日其家卜吉時焉

五時雞影鵝池北有鳴琴苑伺夜雞鳴隨鼓節而鳴從

夜至曉一更為一釐五更為五聲亦曰五時雞

鷓鴣似雌雉飛但南不向北揚字交州異物志云鳥像雌雉名鷓鴣其志懷南不向北徂

蝟見虎則跳入虎耳

鷓子兩翅各有復翎左名撩風右名掠草帶雨翎出獵必多獲

世俗相傳云鷓不飲泉及井水惟遇雨濡翮方得飲

開元二十一年富平縣產一角神羊肉角當頂白毛上捧議者以為獬豸

獬豸見聞不直者觸之窮竒見聞不直者煦之均是獸

也其好惡不同故君子以獬廌為冠小人以窮竒為名鼠膽在肝活取則有

唐段少卿酉陽雜俎續集卷之九

唐 太常少卿臨淄柯古段成式 撰

明 四川道監察御史內鄉李雲鵠 校

支植上

衛公平泉莊有黃辛夷紫丁香

都勝花紫色兩重心數葉卷上如蘆葖葉黃葉細

郝提槿花紫色兩重葉外重葉卷心中抽莖高寸餘

葉端分五瓣如蒂瓣中紫藥莖上黃葉

月桂葉如桂花淺黃色四瓣青藥花盛發如柿葉葉稜出蔕

山

溪蓀如高粱薑生水中出茆山

山茶似海石榴出桂州蜀地亦有

貞桐枝端抽赤黃條條復旁對分三層花大如落蘇花
作黃色一莖上有五六十朵

俱邠衛葉如竹三莖一層莖端分條如貞桐花小類木
瓣出桂州

漳川花差類海榴五朵簇生葉狹長重沓承於花底色
中第一蜀色不能及出黎州按轡嶺

木蓮花葉似辛夷花類蓮花色相傍出忠州鳴玉溪邛
州亦有

桂葉大如苦竹葉葉中一脉如筆跡花蒂葉三瓣瓣端
分爲兩岐其表色淺黃近岐淺紅色花六瓣色白心凸
起如荔枝其色紫出婺州山中

簇蝶花花爲朵其簇一葉葉如蓮房色如退紅出温州
山桂葉如麻細花紫色黃葉簇生如慎火草出丹陽山
中

那伽花狀如三春無葉花色白心黃六瓣出舶上
南安有人子藤紅色在蔓端有刺其子如人狀崑崙燒
之集象南中亦難得

三賴草如金色生於高崖老子弩射之魅藥中最切

衛公言桂花三月開黃而大白大庾詩皆稱桂花耐日
又張曲江詩桂華秋皎潔妄矣
水中根固柿為最俗謂之柿盤

曹州及揚州淮口出夏梨

衛公言滑州櫻桃十二枚長一尺

韋絢云湖南有靈壽花數帶簇開視一曰日如槿紅色

春秋皆發非作杖者

又言衡山祝融峯下法華寺有石榴花如槿紅花春秋
皆發

衛公又言衡山舊無棘彌境草木無有俟錄知江

南地本無棘潤州倉庫或要固牆隙植薔薇枝而已

衛公言有蜀花烏圖草花有金粟石闕水禮獨用將軍

藥管石闕葉甚奇根似櫻葉大凡木脉皆一脊唯桂葉

三脊近見菝葜亦三脊

尊根羹之絕美江東謂之尊龜

王晏言薔薇一曰根莖並生熟俱涼或薔薇
恐誤

重臺朱槿似桑南中呼為桑槿

金松葉似麥門冬葉中一縷如金縷出浙東台州猶多

衛公言迴訖草鼓如鼓及難果能菜

江淮有孟娘菜並益肉食

又青州防風子可亂畢檢

又太原晉祠冬有水底蘋不死食之甚美

衛公言蜀中石竹有碧花

又言貞元中牡丹已貴柳渾善言近來無柰牡丹何數十千錢買一窠今朝始得分明見也共戎葵校幾多成式又嘗見衛公圖中有馮紹正雞圖當時已畫牡丹矣

衛公莊上舊有同心蒂木芙蓉

衛公言金錢花損眼

紫薇北人呼爲猴郎達樹謂其無皮猿不能捷也北地其樹絕大有環數夫臂者

衛公言石榴甜者謂之大漿能已乳石毒

東都勝境有三溪今張文規莊近溪有石竹一竿生癭今大如李

麻黃莖端開花花小而黃簇生子如覆盆子可食至冬枯死如草及春却青

太常博士崔頌云汝西有練溪多異柏及暮秋葉上斂俗呼合掌柏

洛中鬻花木者言嵩山深處有碧花玫瑰而今亡矣

崔頌又言常廬潘云衡山石名懷

三色石柟花衡山石柟花有紫碧白三色花大如牡丹

亦有無花者

衛公言三鬣松與孔雀松別又云欲松不長以石抵其直下根便不必千年方偃

東都敦化坊百姓家太和中
有木蘭一樹色深紅後桂
州觀察使李勃看宅人以
五千買之宅在水北經年
花紫色

處士鄭又玄云閩中多佛桑樹樹枝葉如桑唯條上勾花房如桐花含長一寸餘似重臺狀花亦有淺紅者
獮杻樹頓丘南應足山有之山上有一樹高十餘丈皮青滑似流碧枝幹上聳子若五綵囊葉如亡子鏡世名

之仙人獨杻樹

木龍樹徐之高冢城南有木龍寺寺有三層磚塔高丈餘塔側生一大樹縈繞至塔頂枝幹交橫上平容十餘人坐枝杪四向下垂如百子帳莫有識此木者僧呼爲龍木梁武曾遣人圖寫焉

魚甲松洛中有魚甲松

唐段少卿酉陽雜俎續集卷之十

唐太常少卿臨淄柯古段成式撰

明四川道監察御史內鄉李雲鵠校

支植下

青楊木出峽中為牀卧之無蚤

夏州槐夏州唯一郵有槐樹數株鹽州或要葉行牒求之

蜀楷木蜀中有木類柞衆木榮時枯枿隆冬方萌芽布陰蜀人呼為楷木

古文柱齊建元二年夏廬陵長溪水衝擊山麓崩長六

七尺下得柱千餘根皆十圍長者一丈短者八九尺頭
題古文字不可識江淹以問王儉儉云江東不閑隸書
秦漢時柱也

綾木臺山有色綾木理如綾文百姓取爲枕呼爲色
綾枕

鹿木武陵郡北有鹿木二株馬伏波所種木多節

倒生木此木依山生根在上有人觸則葉翕人去則葉
舒出東海

黝木節以蠱獸可以爲鞭

枕榔樹古南海縣有枕榔樹峯頭生葉有麵大者出麵

百斛以牛乳噉之甚美

惟松南康有惟松從前刺史令畫工寫松必數枝哀悴
後因一客與妓環飲其下經日松死

河泊下材中宿縣山下有神宇漆水至此騰鼓怒槎

木汎至此淪沒竟無出者世人以爲河泊下材

交讓木武陵郡記白雉山有木名交讓衆木敷榮後方
萌芽亦更歲迭榮也

三枝槐相國李石河中永樂有宅庭槐一本抽三枝直
過堂前屋脊一枝不及相國同堂兄弟三人曰石曰程
皆登第宰執唯福一人歷七鎮使相而已

無患木燒之極香辟惡氣一名噤婁一名桓昔有神巫
曰瑤旆能符効百鬼擒魑魅以無患木擊殺之世人競
取此木爲器用却鬼因曰無患木

醋心樹杜師仁常賃居庭有巨杏樹隣居老人每擔水
至樹側必嘆曰此樹可惜杜詰之老人云某善知木病
此樹有疾某請治乃診樹一處曰樹病醋心杜染指于
蠹處嘗之味若薄醋老人持小鉤獲蠹再三鉤之得一
白蟲如蝠乃傳藥於瘡中復戒曰有實自青皮時必標
之十去八九則樹活如其言樹益茂盛矣又云嘗見栽
植經三卷言木有病醋心者

女草葳蕤草一名麗草亦呼爲女草江湖中呼爲娃草
美女曰娃故以爲名

山茶花山茶葉似茶樹高者丈餘花大盈寸色如緋十
二月開

異木花衛公嘗獲異木一株春花紫于思木中一歲發
花唯木蘭

王母桃洛陽華林園內有之十月始熟形如括萎俗語
曰王母甘桃食之解勞亦名西王母桃

胡榛子阿月生西國蕃人言與胡榛子同樹一年榛子
二年阿月

橄欖子獨根樹東向枝曰木威南向枝曰橄欖

東荒栗東方荒中有木名曰栗有殼徑三尺三寸殼刺長丈餘實徑三尺殼亦黃其味甜食之令人短氣而渴

猴栗李衛公一夕甘子園會客盤中有猴栗無味陳堅處士云虔州南有漸栗形如素核

儋崖芥芥高者五六尺子大如鷄卵

儋崖瓠儋崖種瓠成實率皆石餘

童子寺竹衛公言北都惟童子寺有竹一窠繞長數尺相傳其寺網維每日報竹平安

石柱芝生山石穴中似桂樹而實石也高大如綬尺光

明而味辛有枝條搗服之一觔得千歲也

石髮張乘言南中水底有草如石髮每月三四日始生至八九日已後可採及月盡悉爛似隨月盛衰也

席箕一名塞蘆生北胡地古詩云千里席箕草

宋州莆田縣破岡山武宗二年巨石上生菌大如合簣莖及蓋黃白色其下淺紅盡為過僧所食云美倍諸菌

大食勿斯離國石榴重五六斤

南中桐花有深紅色者

東宮郡漢順帝時屬南海西接高涼郡又以其地為司諫都尉東有蕪地西隣大海有長洲多桃枝竹緣岸而

生

楓樹子大如雞卵二月華已乃著實八九月熟曝乾燒之香馥

一
二
三
四
五
六
七
八
九
十

